

ՎԻԹԽԱՐԻ ԸՆԿՈՒՋԵՆԻՆ

Ս. ՄԵԼԻԲ-ՇԱՀՆԱԶԱՐԵԱՆՅԻ

I

Ամառն էր, Կիզիչ արևը շիկացած ճառագայթները գցել էր ամալի դաշտի վերայ. հուրհրատում, պլպլում էր մոխրագոյն դաշտը, կարծես մի թևած թորոն. լուսթիւնը մեռելային էր, ոչ մի կենդանի շունչ չէր համարձակում դուրս գալ իւր բնից, իւր սորամոխցանք ծածկել, թագնւել էին, միայն ճանապարհորդներն էին, որ բռնաւորած ձիաներով շտապում էին. բայց ո՛ւր են շտապում, չէ որ բաւականին տարածւած է այդ ամալի դաշտը, ինչո՞ւ են չարչարում իրանց կենդանիներին, որոնք քափ ու քրտինքի մէջ կորած, հազիւ հազ հեւալով քայլերը փոխում էին: Ճանապարհորդները ձիշգ է այրած, խանձւած էին, բերանները աղանձւած, բայց նրանց երեսներին նայողը կասէր՝ սրանք շատ մօտ են այն ժամին, երբ պիտի աղաւունք արեւից: Եւ յիրաւի անցաւ մի փոքր միջոց, քարաւանի գլխաւորը, որ մի բարձրահասակ, խոժորադէմ, չոր-չոր տղամարդ էր նժոյգի վերայ նստած՝ դարձաւ ուրախ-ուրախ ընկերներին աղանձւած բերանով. «Ա՛յ, ա՛յ, ժեր ազատարար ընկուզենին, լաւ նայեցէք այն փոքրիկ կանաչ կէտն է. ի՞նչ փոքր է երևում, հիմա ի՞նչ պէս հով կը լինի նորա տակը. օրհնւի քո տնկողի դերեզմանը. դէ՛ մի մի բերան օրհնանք էլ դուք տւէք, ո՞տ վերցրէք, շուտով հասնէք, արեւից ազատուէք, դէ՛ ձեզ տեսնեմ»:

Ճանապարհորդները միաբերան, քաջալերւած օրհնւի քո տնկողի գերեզմանը, ասելով, ձիաներին մորակեցին, որ որքան կարելի է շուտով հասնեն իրանց վրկարար ընկուզենուն:

«Բա հագիւ հազ հասանք, ուխա՛յ մի քիչ որ հովացանք, այս ու այն կողմից ասացին ճանապարհորդները և ընկուզենու տակ տեղաւորւեցան»:

Ամբողջ դաշտի վրայ ոչ մի կանաչ էր երևում, բացի այդ հաստաբուն, սուերաշաու, ոստերը հեռու տարածած ընկուզենին. այդ չոր ամացի դաշտում միակ աչքի բերկրութիւն տուողը, միակ պառուսպարողը դա էր համարւում:

Արեւը ամենաբարձր կէտումն էր կանգնած. ընկուզենու շաքը չորս բոլորը տարածւած, մի կանոնաւոր հիւնալի շրջան էր կազմել: Ոչ ոք էր ուզում շրջանից դուրս գալ, չորս շուրջը կտրած հանգըստանում էին:

— Ինչպէս երևում է ճաշելու ախորժակ չունէք. ծառաները ոչինչ պատրաստութիւն չեն տեսնում, ասաց գլխաւորը, որ թիկն էր տւել մեծ բաւականութեամբ հաստաբուն ընկուզենուն:

— Փայտ չի ճարւում, տղայ, գարձան միաբերան ծառաները:

— Փայտ... հա, ճիշդ է, փայտ չը կայ. բայց կացէք, աչքը գցելով ընկուզենու բունին, այ ձեզ փայտ, ընկուզենու այս փոքրիկ խոռոչը տեսնում էք, հանեցէք դաշոյններդ, էլ այն տեղը չի, սովից կը կոտորւենք, նորա փտած տեղերը կտրատեցէք. այդտեղ մի շալակ փայտից աւել կը լինի. դէ՛ մենք քնում ենք, կրակ արէք, և, երբ խորովածը պատրաստ կը լինի, մեզ վերկացրէք:

Ծառաները ոչինչ չը կարողացան ասել. միայն նրանց երեսկահատը լուռ ու մունջ կարծես արտայայտում էր. «Ինչպէս սուր բարձրացնենք այն բարերարի դէմ, որ միշտ մեր պառուսպարանն է հանդիսանում, չէ որ նա շուտով կը չորանայ և մենք կը զրկւենք մեր այդ ազատարար ծառից»:

Քնեցին տէրերը, պատրաստութեան յետևից ընկան ծառաները:

Հինաւուրց ընկուզենին տեսաւ թէ ինչպէս ծառաները մերկ դաշոյնները ձեռներին իւր վրայ յարձակեցան, իբր թշնամու վրայ, և սկսեցին փոքրիկ խոռոչը մեծացնել՝ կե՛ճ փայտը կտրատելով. տեսաւ նոյնպէս թէ ինչպէս նրանք սկզբում շուզենալով մօտեցան, բայց յետոյ, աղանձի հրամանի ազդեցութեան տակ, մոռացան այդ, դուցէ

և խորովածի համար գրգռուած ախորժակն էլ պակաս դեր չը խաղաց այդ գործում: Այո՛, նա տեսաւ այդ բոլորը, սրտումը մի սուր ցաւ զգաց և այդ ցաւը ճշնէ ճիւղ տարածւեց ամենայն տեղ. նորա տխուր կերպարանքը, յուսահատ աչքերը ասացին. «Մի՞թէ ես այնքան անպէտք եմ դարձել, որ մարդիկ այսպէս ինձ կտրատում են. եթէ յիշուի ես ոչ մի օգուտ չեմ տալիս, միայն իմ կանաչ ոստերիս և գագաթիս եմ զօռ տալիս աւելի ու աւելի տարածել և բարձրացնել, թո՛ղ աւելի լաւ է ինձ տակից կտրեն կամ թէ չէ՝ որպէս զի բոլորովին ոչ մի հետք չը մնայ՝ արմատահան անեն. բայց ահա իմ սուերում անուշ անուշ քնած են մարդիկ, ես տեսայ թէ ինչպէս ինձ տեսնելով շտապեցին, որ արևից ազատեն. կը նշանակի ես օգուտ եմ տալիս, հապա ինչո՞ւ են անխնայ ինձ կտրատում, սիրտս վիրաւորում, արիւնըս անում: Կանգ առաւ ընկուզենին և սկսեց մտածել:

«Հա՛ գտայ, շարունակեց նա, խեղճ մարդիկ փայտ չեն ճարում այս ամալի դաշտում, իսկ նրանց հարկաւոր է փայտ կերտկրի համար. թո՛ղ լաւ է ես մի քիչ չարչարեմ ամանջեմ, միայն թէ մարդիկ սովից չը մեռնեն»:

Վերջին միտքը մոռանալ տւեց ընկուզենու սրտի կսկիծն ու ցաւը:

Կրակը վրո թվրո թում էր բունին մօտիկ. կապոյտ ծուխը, առանց դէս դէն տառանկելու, ուղղակի բարձրանում էր և, ոստերին կպչելով, տարածւում ճղների մէջ. ապա, բարձրում միախառնւելով, քուլայ քուլայ վեր բարձրանում: Թե՛՛ կրակը մի կողմը քաշած՝ խորոված էին անում, իսկ միւս կողմից թափթփած փայտերն էին իրարից կպչելով վառւում:

«Պատրաստ է խորովածը, ձայն տւին ծառաները:

Խորոված լսելով՝ ճլրմկոտալով, յօրանջելով վեր կացան քնատեղերից տէրերը»:

— Ինչ լաւ կը լինէր, այս ընկուզենու ոստերը շատ հեռու տարածէին, որ մեր ամբողջ քարւանը սրա տակը տեղաւորէր. տեսնում էք ձիաները դուրսն են մնացել. մի բանի պէտք չէ հա, թէ և հեռւից միշտ ստալտալում ենք շուտով հասնել, աչքերը տրորելով ասաց ճանապարհորդներից մէկը:

— Բայց որ տերևները խիտ լինէին, աւելի լաւ կը լինէր, երբեմն քնած տեղը արևի ճառագայթները մարդու աչքերին են ընկնում, քնահար անում, աւելացրեց մի ուրիշը:

— Ախ, ինչ ասեմ սրա չիմար տնկողին, վրայ բերեց գլխաւորը, ասա՛ մարդ Աստուծոյ, տնկում ես տնկում, աղբրի մօտ անկէիր էլի, որ ծարաւելիս մէկ էլ այրւելով, խաշւելով չը գնայինք աղբրի մօտ ջուր խմելու: Սա դորդ որ մի բանի պէտք էի, ոչ մի յարմարութիւն չունի:

Սուփրան բաց արած էր, հացերը շարած, պանիրն ու գինին մէջ տեղ դրած. մեծ ախորժակով հացի նստեցին. խորոված էր որ, ծըլծըլալի, իւղը կաթկթելով փռած լաւաշների վրայ, վեր էր քաշւում, բայց մի ըռպէում տեղը դարտակւում. կուլայի տակը տափը չէր տեսնում, համեցէք էր, որ տնում էին ճանապարհորդները իրանց պատուելի գլխաւորին: Խորոված ու գինի, — շատ դուրեկան է միմեանց հետ. քարաւանի գլխաւորի գլուխը տաքացած էր, երբ հացից վեր կացան:

— Պատրաստում էք ճանապարհւելու, դարձաւ գլխաւորը իւր ճանապարհորդակիցներին կարմրած աչքերով, հա լաւ ժամանակն է, հոգն ընկել է, ինչ լաւ կրակ կայ. կրակը որ տեսնում եմ, ախորժակս կարծես կրկին բացւում է. կրակ, հրդեհ ես շատ եմ սիրում, այժմ ուղում եմ բոց, բոց տեսնել և զւարճանալ: Մառաններ, այն վաւած, մեծ մեծ խանձողները փղակի մէջ դրէք:

— Բայց ափսոս... ձայները փորները գցած շշնջացին ծառաները:

— Ոչ մի ձայն, լսում էք, թէ չէ ձեզ էլ հետը ներս կը խոթեմ: Ափսոս է', ինչ ափսոս, չէք տեսնում հով է, էլ ինչ հարկաւոր է, թուլամորթ կինարմատներ:

— Սյո, այո, ոչ մի բանի պէտք չէ, հով է, աւելի լաւ է տեսնենք ինչպէս է վառւում այս անպէտք, կանաչ ծառը, այս ու այն կողմից վրայ բերին ճանապարհորդները:

Մառանները բարձում էին ձիաները, իսկ տէրերը մեծ հրճւանքով մոիկ էին տալիս թէ ինչպէս միտում, թշթշում է կիճ փայտը:

— Ե', թշթշոցը չի կտրելու, ինչ է զգւացնում, գլուխներս տա-

նու՛մ, ինչու չէ բոց դուրս գալիս, բո՛ց, բո՛ց, հասկանում էք, կրակը թեթացրէք շուտով, գողաց գլխաւորը ծառաների վրայ:

—Շատ ուշ կը քաշի, երկու օրւայ մէջ հազիւ հազ այրւի, աւելի լաւ է գնանք, ժամանակն անցնում է, ասացին միաբերան ճանապարհորդակիցները գլխաւորին:

—Այո, այո, գնանք, բայց ափսոս որ չը տեսանք, թէ ինչպէս դըր՛խկ՝ պիտի ընկնի այդ վիթխարի անպէտք ծառը: Անպէտք է, գիտէք, այդ չը լինէր, գոնէ մէկ պարապ-սարապ մարդ, մի ուրիշը աղբրի մօտ կը տնկէր, ասաց ու ձին հեծաւ:

«Վա՛յ, վա՛յ, այրւում եմ... կարծես նոր զգացած յուսահատ ճչաց ընկուզինին, օգնութի՛ւն, օգնութի՛ւն հասէք մարդիկ, ես էլի պէտք եմ ձեզ, չէ որ կրկին ճանապարհորդելու էք, չէ որ դարձեալ սովումս էք լինելու... օգնութիւն, աղաչում եմ, սիրտս այրւում է... ջո՛ւր... ջո՛ւր... ջուր հասցրէք պաղատում եմ: Բայց նրանք չեն լսում, գնում են... գնացին... քարւանի տուտը կտրեց... ուհ անգութ արարածներ, այդ էի ձեզնից սպասում, բաւական չէր ինձ վիրաւորեցիք ձեր փորի համար, այժմ էլ ինձ կրակում էք... անխիղճ մարդիկ, բարութիւնը չարութեամբ էք փոխարինում, Աստուած կայ վերեւում, նա տեսնում է ձեր արարքը, գոնէ նրանից վախեցէք: Ի՛նչ իմ ձայնը խանձւած է, էլ չի հասնում նրանց, տե՛ս, տե՛ս, մինչև անգամ Իրանք յետ էլ չեն նայում, ո՛ւհ անիրաւներս Որդիքս, որդիքս լինին ազատւած, բայց նոքա տհաս են... նրանք կայրեն, վեր կը թափւեն, կը չքանան աշխարհի երեսից... մենք միասին մնաս բարե կասենք այս աշխարհին... բայց ես դեռ չեմ ուզում մեռնել, հասունացած որդիներիս աչքովս տեսնեմ՝ և յետոյ մեռնեմ...»

Այսպէս ընկուզենին յուսահատ ճչում, ծւում էր, մորմոքւած լաց լինում, երբ ստորին ոստերի տերևներն ու կաղաղները թառամել սկսան, կուշ եկան:

«Օգնութիւն, միանգամից սուր ձայնով ծնացին սրանք, այրւում ենք, օգնութիւն. մայրիկ, ազատիր այս հնոցից, ահա քիչ է մնացել այրւած վեր թափւենք շուտով... ջո՛ւր... մի գդալ ջո՛ւր... սիրտներս կրակ ընկաւ... ո՛հ, այո ինչ պատիժ է...»

— Ինչ էք ակնհայտօրս տանում, արհամարանքով կտրեցին նրանց խօսքը միջին ոստերի կաղաղները, ինչ կայ որ, օգնութիւն, չէ մին, մէկի բանը կտրել է ձեզ օգնութեան գայ. այսպէս լաւ է, այրւեցէք, կոտորեցէք, տեղն է, ձեզ համար ապրելը չեմ իմանում ինչ արժէք ունի այդպեղ գետնին մօտիկ. աղքատ էք. ազգատին ո՞վ օգնութիւն կը հասցնի, առանց այն էլ դուք մեռած էք, լաւ չի՞ միանգամից հէնց ձեռք քաշէք այս աշխարհից. մեր փառքը դուք նսեմացնում էք, մեր սնունդը ի զուր տեղը կլանում, մեռէք թըշ-լառներ, չը համարձակէք էլ օգնութիւն կանչել:

Ուխտ, ինչ լաւ է, մենք տաքանում ենք, երևի մեր հասնելու ժամանակը եկել է:

— Օգնեցէ՛ք, Աստուծու սիրուն, ձայն տաւ դարձեալ ընկուզինին:

— Այս մեր մօր ձայնն է, կարծես նոր լսելով դարձան միմեանց, մէջ տեղի ոստերի կաղաղները, այո՛, այո՛, նրա ձայնն է, նա էլ աչրւում է, բայց մեզ ինչ, այսպէս մեզ համար լաւ է, մենք հասնում ենք, էլ ինչ կարիք ունինք մօր. այսօր անպատճառ կը հասնենք, եթէ այսպէս շարունակի: Բայց այս ինչ է, վա՛յ մենք էլ աչրւում ենք, օգնութիւն... մայրի՛կ, մեռանք, ջուր հասցրէք... տապալկեցանք, խորովեցանք... վա՛յ այս բոպէիս վեր կը թափւենք...

— Անամօթնե՛ր, ինչ էք երեխայի պէս լաց լինում, օգնութիւն, օգնութիւն ըզաւում, յանդիմանեցին բարձր ոստերի կաղաղները, ձայներդ կտրեցէք և լուռ ու մունջ մեռէք, ում հոգսն է կտրել, ձեզ օգնութիւն գայ, դէ՛ պապանձւեցէք պապանձւելու նման. մեզ համար այդ շատ լաւ է, ձեր բաժինն էլ մենք կը վալէնք, լայն ու արձակ կը լինի մեր տեղը, առատ՝ մեր բաժինը, մեզից օգնութիւն մի՛ սպասէք, և վերջապէս ինչ կը սազի մեզ հարուստներիս, մեծերիս, մեր դիրքից իջնել և ձեզ պէս ստորներին, աղքատներին օգնութիւն հասցել:

Ընկուզներին շարունակում էր իւր մօրմոքած սրտի ազեկտոր յառաջանքները. իւր քիչ հասած, մեծ-մեծ որդիներն էլ լսեցին նրա յուսահատ ձայնը, բայց նրանք էլ երկրորդների պէս արհամարեցին ասելով. • Այսպէս լաւ է մեզ համար, մենք շուտով կը հասնենք... բայց երբ կրակը աւելի ու աւելի բորբոքւեց, թեժացաւ, նրանք էլ նոյն վիճակի ենթարկւեցան, ինչ որ իրանց եղբայրակից-

ները՝ Նրանք էլ օգնութիւն կանչեցին, լաց եղան, ջուր խնդրեցին, մայրիկ կանչեցին, բայց ոչոք չը լսեց, որովհետեւ ընկուզենին էլ չէր զգում, նորա ջուրը քաշել, տերեւները դեղնել, թողել էին և ընկոյզները խանձած, կուչ եկած վեր էին թափթափուում:

Անցաւ մի փոքր ժամանակ էլ և վիթխարի ընկուզենին իւր մարած աչքերը դէս դէն ամալի դաշտի չորս կողմը դարձնելով, մարդկանց արարքը մոաբերեց և առանց նզովելու նրանց՝ վերջին յառաչանքը—*Թշտոցը*—*Թոյլ կերպով արձակեց և ճարճատելով, կայծեր հանելով գետինը փուկեց: Մուխն ու փոշին միախառնելով կարծես շիրիմ ծածկեցին հսկայ դիակը, որը վրովրուում էր և գալարուն բոց արձակում...*

II

Փարուն էր: Ամալի դաշտը կանաչ էր հագնւել, գոյնզգոյն ծաղիկներով ներկւել, զարդարւել: Մեռելային լուութիւնը չքացել, անհետացել էր. երգեցիկ թռչնակների անուշ դալլալիկը, ժրաջան մեղունների տգողոցը, գարնան մեղմ սիւքը, որ նոր բացւած ծաղիկների գլխիկներն էր քնքոյշ տատանում, միախառնւելով կարծես ներդաշնակ ձօն էին մատուցանում կենսատուայնին: Ահա բարձրահասակ, յազթանդամ, բնութեան որդի՝ բարի հովիւն էլ իւր սիրուն հօտը առաջն արած՝ ոգևորւելով իւր սրնգի ձայնը բարձրացրեց, սրտի խորքից դուրս եկած անմեղ տաղով ձայնակցեց բնութեան երգիչներին: Կէսօրւայ մօտ էր. ոչխարները մշմշալի արածելով առաջ էին գնում, իսկ հովիւը յափշտակւած, վերացած բնութիւնով իւր սրինգն էր ածում: Ո՞ւր էին դիմում ոչխարները. ինչո՞ւ էր ուրախ հովիւը. չը լինի՞ նոքա կէսօրւայ ժամին գէպի մի հով տեղ հանգստանալու էին գնում:— Այո՛, նրանք դէպի ընկուզենին, դէպի իրանց սիրելի ընկուզենին էին շտապում:

Ուր է ընկուզենին, չի երևում, չը լինի միւս կողմն եմ թողել, ասաց հովիւը և մնաց տեղը կանգնած. չէ՛, այստեղից երևում էր ամեն անգամ, երբ հօտը առաջս արած կէսօրւայ ժամին մազադելու էի տանում. բայց ո՞ւր է, չկայ, ահա ոչխարներս էլ իրանց ուղղութիւնը փոխեցին, չէ, ինչ եմ ասում, հէնց այս է ճանապարհը որ կայ— և ոչխարներին առաջւայ ուղղութիւնը տալով առաջ գնաց:

Հովիւը աւքերին չը հաւատաց, երբ վիթխարի ընկուզենին տե-
սաւ այրւած, խանձուղ կտրած, բայց երբ լաւ զննեց, իւր մանկու-
թիւնից ի վեր ծանօթ ընկուզենուն ճանաչեց, արտասուքը այլ ևս
չը կարողացաւ պահել, լացեց, շատ լացեց և տխուր տրտում կոճղի
վրայ նստելով իւր սրտի թախծութիւնը երգեց: Խնչ էր նորա տխուր
երգի բովանդակութիւնը. արդեօք միայն ընկուզենու կեանքից
գրկելն էր լացում դառնապէս, թէ՞ նորա այնից զրկողին էր անի-
ծում զայրացած.—այո՛, նորա երգը սրտի զայրոյթն էր թախծու-
թեամբ համակած, երբ երգելիս աղի արտասուք էր թափում,
սրտի խորքից էլ կարծես շանթ ու կայծակ էր ցայտում:

«Ասա՛, ասա՛, դու իմ սիրելի ընկուզենի, վերջապէս սրինգը ցած
դրեց հովիւը, ո՛վ էր այն անգութը, որ քեզ այդ օրին գցեց. երկնքի
պատիժն է՛ր, որ քո զլխին պիտի կատարէր, թէ՞ անգութ մարդը
քեզ կրակեց. ասա՛, պաղատում եմ, վրէ՛ժ, արդար վրէ՛ժ է ուզում
քո ընկեր-բարեկամը. բայց աւա՛ղ դու մեռած ես, ինձ պատասխանող
չկայ, ես կը հալւեմ կը մաշւեմ առանց վրէժի... Ասուա՛ժ, ընկու-
զենուն ստեղծող դու Ասուած, դու, դու պատասխանիր թշառիս,
առանց վրէժի իմ կեանքը այս աշխարհում անտանելի կը լինի, բայց
դու էլ չես ուզում պատասխանել, ինձ ուզում էք չարչարել,
տանջել...»

Հովիւը ոչ մի տեղից պատասխան չը ստանալով, այլ ևս ոչինչ
չը կարողացաւ ասել, սրտնեղած դարձեալ ընկուզենու սեռացած կոճղի
վերայ նստեց և ինչպէս մի հողատես, տխուր տրտում, գլուխը ձեռ-
քերի մէջ առած, չէր իմանում ինչ անէր. իսկ ոչխարները՝ իրանց
յիշողութեան մէջ նորոգելով վիթխարի ընկուզենու սուները՝ մոլոր-
ւած, սրտները կտորւած էլ չ'իմացան ինչպէս այստեղ այնտեղ նստո-
տեցին և տխուր աչքերը բաց ու խուփ անելով որոճում էին: Յան-
կարծ հովիւ յուսահատ աչքերը կանգ առին ընկուզենու չորացած,
այրւած արմատների վերայ, մի ակնթարթում փոխեց, տեղից
վեր ցատկեց և սկսեց տնջել արմատների միջից երեւացող նոր դուրս
եկած մի ընձիւղ, որի թերթիկները՝ թէ՛ և դեղնած, թառամած,
բայց մէջը կենդանի շունչ կար մի մազից կախւած. բաւական էր
արեւը իւր այրող ճառագայթների ոյժը ցոյց տար, նա էլ— ընկու-
զենու վերջին շառաւիղը՝ մնաս բարև կասէր աշխարհին. այլ ևս ոչ

մի հետք, ոչ մի յիշատակ չէր մնալ վիթխարի ընկուզենուց, Հովիւը ձեռքով շօշափեց այդ միահատիկ կիսակենդան շառաւիղը, ուրախութեամբ փալլեցին աչքերը. նա մտածում էր. «Ուսմի՞ց առնեմ վրէժս և ի՛նչ օգուտ, արդեօ՞ք սորանով մի օգուտ տւած կը լինիմ իմ սիրելի բարեկամի աճիւնին. ո՛չ, ի զուրէ այդ բոլորը, ահա՛, ահա՛ իմ սիրելի ընկուզենու միահատիկ ժառանգը, թէ՛ և կիսակենդան, բայց ես յոյս ունիմ, որ կարող եմ իմ անդադրում խնամքով կենդանացնել. և ինչ կարծիք, որ ժամանակին կունենամ մի այնպիսի ընկուզենի, ինչպէս իմ հին բարեկամն էր: Յաւել, լաց լինել հին ընկուզենու վրայ, որ նա կորաւ, մեռաւ՝ դա թուլամորթների գործն է, իսկ ինչպէս մարդիկ, որոնք դեռ ևս իրանց մէջ ոյժ են զգում, ոչ թէ միայն թշնամուն տապալել, որը մեծ բան չէ, այլ աստուածի տեղը նորը կանգնացնել, ահա որն է մեծ գործը, ամօթ է լաց ու կոծ անել և վրէժ, վրէժ գողալով ամբողջ կեանքը անցկացնել»:

Նւ Հովիւը ողևորւած այս նոր մտքով իսկոյն և եթ գործին ձեռք զարկեց. նա սկսեց այդ ճիւղի տակը փորել, բոլորովին չորացած անպէտք թերթիկները պոկել, վրայի երևացող չէկ մրջինները, ստորաքարշ, սողացող ձիճուները ոտի տակ տրորել, ոչնչացնել. այսպէս երբ բոլորովին ազատեց իւր հին բարեկամի մի հատիկ որդուն իւր մօտ գտնւած թշնամիներից, այժմ էլ մտածեց անյազ կենդանիների բերանից և վայրենի գողգանների աւերիչ ոտներից ազատել,— նա ամուր ցանկով պատեց չորս կողմը. յետոյ գնաց մօտիկ աղբիւրից ջուր բերաւ աղբիւրից: Նա դորանով էլ չը բաւականացաւ, որպէսզի միշտ ջուր լինի նոր ընկուզենու տակը, որ աւելի շուտ զարգանայ, ոստեր արձակի,— աղբիւրից առու հանեց մինչև ընկուզենին:

Հովիւը ուրախ էր, — իւր նպատակին հասաւ. նա ա՛յն օր դալիս էր իւր հօտով նոր ընկուզենու մօտ նստում և ամեն անգամ երբ տեսնում էր նոր տերև գցած, իսկ հին կիսամեռ տերևները զւարթացած՝ հրճւում, ցնծում էր և, սրինգը հանելով, անուշ կերպով նւագում. նա իւր սրինգի ձայնով ոչ թէ օրօր էր կարդում իւր սիրասուն զաւակին, այլ քաջալերութիւն, խոր քնից զարթնել, աճել, ոստեր արձակել, կատարը ամպերին հասցնել և իւր սիրած անթիւ անհամար ընկոյզներով բխունաւորել: